

晚晴移詩匯

晚晴移詩匯卷八十九目錄

畢沅 十四首

諸重光 二首

王文治 十二首

劉權之 二首

曹文植 六首

金士松 三首

童鳳三 五首

王中孚 一首

張鬻 一首

孟超然 七首

姜錫嘏 二首

吳泰來 九首

吳璜 四首

陳奉茲 十一首

劉樽 一首

宋銑 四首

吳楷 三首

折遇蘭 一首

鄭熊佳 二首

劉謙 四首

沈啟震 四首

王宸 三首

李萬青 三首

張眉大 三首

張五典 二首

段玉裁 二首

秦武域 六首

申兆定 一首

孫理 六首

祝詰 十首

王奇士 一首

郝仲成 三首

芮熊占 五首

晚晴移詩匯卷八十九

徐世昌

畢沅字纒蘅一字秋帆自號靈巖山人鎮洋人乾隆庚辰一甲一名進士授修撰官至湖廣總督贈太子太

保有靈巖山人集

詩話秋帆少從歸愚游以能詩聞天性平易於故  
舊開府西安時愛才下士老友如吳竹嶼嚴東有程  
魚門人如邵二雲洪稚存孫淵如錢十蘭諸人咸  
招致幕中一時名流翕集流連文酒殆無虛日又性  
好游覽山水爲詩益多且工雅存嘗輯秋帆遺事謂  
其生平得力處在事事能讓然易爲屬吏所欺蔽卒  
以是被累於身後蓋德優於才  
其詩春容大雅亦肖其爲人

贈顧行人抱桐陳堉先生

精力平生盡典墳眼中餘子日紛紛占星絕學推靈憲解  
字真源衍說文載酒花溪雙屐雨攤書松閣半牀雲吟壇

簪盍無同輩每話前游感離羣

過穹窿道院

討春遠過神仙宅石級盤空躡白雲松院鶴歸棋未散花  
壇月上磬初聞巡廊徧讀塵牆句剔蘚閒看石碣文尙有  
山陰劉道士乞書遺教餉鷺羣

題馬和之十八應真卷後

冰綃幻出貝葉紋南渡侍郎留手痕莊嚴自在應真像筆  
尖所到神變存境幽林茂果何處無乃舍衛給孤圍兩兩  
迎陵相對立半天紅射扶桑暎一人左右手作印蒲團跏  
趺依修構寂默身披安陀會五衣萬年一念忘勞煩一人  
咒鉢兩龍出九霄蚺蟻相騰翻四人旁觀齊仰首喜者失  
笑驚者奔橋外小亭映深竹中有一人白佛言五禪九定

十回向似將各一疏真源崑崙侍兒捧香篆羯布羅龍闌香

氣何氤氳花間石榻綠熊褥一人熟睡無朝昏津梁若疲

豈神定何以滋茂精進根一人入定等枯木旁有怪立頭

如黿胸除諸魔久調服作此伎倆徒殷殷一人持經默自

課龐眉權頰清而敦至人不染文字相三塗八難具堪焚

阿輪迴下無憂花樹也三人坐共觀圖卷相評論六種震動證

神力普示閻浮解脫門侍兒旁持鉢塞莫數珠也心有所悟

手自捫一人右肩獨徧袒手振錫杖湧慈雲八萬四千母

陀臂徧與一切接引恩兩人跣足對戲水水流赴石聲潺

湲驚濤不敢近衣角化作萬道明珠噴有時捉出水底月

將來貯向琉璃盆獻珠龍女凌波立飄飄委佩從風掀雲

鬢霧鬢態綽約翩然抗手如鸞鶩一人稜稜瘦露骨猛虎

弭耳身旁蹲情與無情俱已泯異物可撫同家豚昔人作  
此豈無故迷途苦海多愁恐特開生面留宇宙憑仗佛力  
爲牽援若云諸相本無相髻成德安胸已文現出簷葡色  
世界是空是色誰能分沈檀匣盛錦標裏寶珠纓鬢垂纈  
紛六時懺悔菩提記清磬紅燈禮世尊

秋堂對弈歌爲范處士西坪作

處士姓范氏字西坪

第一游江湖間少穎悟年十三卽成國工百年來稱  
不羣游歷都邑士紳急爭致之先祖愛圍棋寒燠  
不徹君至婁常主子家寓心遠堂之西齋每對弈  
州中善弈者畢至環觀如堵牆君不甚思索布局  
投子初似草草絕不經意及合圍討劫出死入生  
之際一著著枰中瓦礫盡變爲風雲雷雨而  
全局遂獲大勝眾口譁呼神色悚異噴噴稱爲仙  
所獲金無算垂手散盡囊中不留一錢時子甫弱  
齡隅座旁觀偷問與之弈君讓予三子嘗云子若  
從子學可至次國手先祖恐失學時  
時禁絕之遂作秋堂對弈歌以贈

明軒洞豁筠簾遮眾賓環堵且勿譁東西對壘建旗鼓圍  
匱方局無參差五嶽不動四目動死灰槁木形神悚冥茫  
淬厲鍊心兵多算少算務持重戰國縱橫術細論車箱井  
欄舊譜存日月九天黃赤道風雨八陣死生門初投數子  
絕跬步中邊錯落星辰布玉滋霞島冷煥殊手落紋楸後  
先互俄焉兩敵漸紛爭虛堂殺氣宵騰騰每於袖手旁觀  
暇如聽金戈鐵馬聲暗伏明挑先冥索出入神鬼煎精魄  
九邊飛角取遠勢一著攻心乃上策淮陰將兵信指揮鉅  
鹿破楚操神機鏖戰昆陽雷雨擊虎豹股栗屋瓦飛鳥道  
偏師方折挫餘子紛紛盡祖左忽訝奇兵天上來當食不  
食全局破虎鬪龍爭古戰場贏顛劉蹶勢靡常到底輸贏  
歸小劫爛柯人已閱滄桑坐隱仙家藉養性君今海內推

棋聖奇童爭並鄴侯稱常勢真堪積薪競元玉文犀照短  
檠眼中成敗最分明夜半局終涼月上滿窗花影覆空枰

嚴秀才冬友

長明

過訪山園留宿畫船塢論詩

妙眼觀自在斯祕何人啟由來萬象態蕭然入隱几傳神  
阿堵中屈指無數子請看天籟聲皆從蘋末起

登鍾山放歌

黃金嬴政此處埋雙峯並峙高崔巍蜿蜒如龍互起伏未  
飛騰去需風雷江城春來一夜雨侵曉綠滿三山街我來  
赤足踏龍背俯視諸嶂羅陪儻天風浩浩聲不息萬里吹  
我襟懷開茫茫往事不可問但見江水明滅雲中來當年  
蔣尉逐賊處時露遺鏃封莓苔偏安割據俱已矣酌酒往  
勤長星杯遙憶南朝全盛日金蓮玉樹供歡哈君臣夜宴

期盡醉高燒蠟淚紅成堆銅壺漏滿夢未醒海日光早升  
呆恩千門萬戶落花裏管絃到處飄樓臺長江一旦鐵鎖  
落石頭又見降旛排至今惟有舊時月城下相送寒潮回  
周騶棲息地故址生蒿萊吏隱兩寂寞千載遺嘲諤君看  
謝公何磊落出處總繫蒼生懷圍碁賭墅若無事談笑已  
報除昏霾兒輩成功安九鼎登臨絲竹常追陪閒值枯禪  
論優劣北山未抵東山才

許丈竹素

廷鏐

枉顧心遠堂淪茗論詩且訂城南看

梅之約得句奉贈

踏遍東華十丈塵投簪暫現宰官身雄心任俠猶談劍老  
手登場擅斲輪芳草情懷詞一卷梅花時節酒千巡扶鳩  
直立煙霞骨始信青蓮有替人

鷲峯寺觀旃檀佛像作

幽州古招提只瞻慧日相幾經龍漢劫依然尙無恙似現  
不壞身來詮祕密藏千花擁雲龕九龍盤玉帳容光若雪  
海晃朗不能望聞昔日憐連運神攝巧匠三返忉利天審  
諦始營砌坎坎伐檀聲人天悉和暢相具三十二莊嚴絕  
依傍仗茲接引手拯溺迷津上皓月臨太空萬川皆一狀  
視爲身外身所見卽孟浪文殊本無二焉用辨真妄試參  
光明經一空生滅障八難暨三塗種種可尊尙我擬謝塵  
羈初地早回向買取鷲溪絹繪此勝鬘椽石堂梅萬株香  
火長供養非徒煩惱除兼得壽無量海山潮音中松雲一  
鶴放

天慶宮觀劉鑿塑像

北方塑設技最工阿泥哥與劉元同惟鑾成佛亦妙手遺  
像尙留天慶宮入門肅客兩道士啟鑰導我廊之東三間  
配殿制輪奐靈衣羽扇瞻仙容有元及今五百載黍離板  
蕩一再逢土偶豈有金石固歷劫不受兵燹攻依然髹質  
獨完好豈非呵護邀神功當年絕藝稱祕監歲月雖遠精  
神通道園別有正奉記是鑾非元甯相蒙君不見陵川集  
語可證誤四賢祠內先有劉鑾塑或疑鑾與元音相近而  
誤考荆陵川集燕四賢  
祠有劉鑾塑像是鑾別是一人著  
名在正奉先析津日記辨之甚詳

余性愛琴某山人有舊藏古琴四其最佳者爲趙松  
雪故物許自南中攜贈詩以速之

古音不作古器亡寶琴百衲無輝光江關老屋風雨夕七  
條瘦玉淪微茫山人家住橫雲麓一生消盡清閒福明徽

妙手發奇聲成連海上傳仙曲別鶴離鷗調不聞雪絃寂  
寂網輕塵前年挾策走京洛相逢一一爲吾陳云是家藏  
琴有四一有有元至正年間識蛟脣蛇腹鳳皇絲背篆猶  
銜松雪字中抱泠泠太古心王孫秀邸寄愁深憑添南渡  
滄桑感彈徹西臺慟哭音琴是人非歲復月浮雲柳絮飄  
空闊縑素流傳半劫灰五百年來賸此物予愛琴德通琴  
聲點點寒星織指橫若將焦尾遙相贈便是中郎無限情  
玉軫孤桐分一片柳家雙鎖人難見梅花淡月隔江南莫  
負秋堂紅石薦

送王夢樓同年出守臨安

滇雲驅五馬控制及雕題壯士歌黃鵠才人賦碧雞心依  
珠斗北夢杳玉河西影事隨鴻爪輕痕印雪泥

雲不數曼陀羅還將剩水殘山恨譜入烏絲紅袖歌秣陵  
飛散春江燕煙條凋盡靈和殿誰知南國女兒花堪補東  
吳耆舊傳物換星移幾番春繁華回首又前塵豈惟宮闕  
餘離黍廢苑都應愁路人絳雲一炬遺書了此樹亭亭亦  
難保菊徑曾經紀義熙草堂空自談天寶東風吹暎入山  
城聞道孫枝昨更生何日繁葩滿春晝金尊檀板聽鶯聲

荀崖月夜聽徐傅舟彈琴

大海無人處月明生暗潮孤琴時一奏白露下層霄夜靜  
水逾淡秋涼天更遙鮫人如解聽清淚溼冰綃

伯牙琴臺

伯牙千載後猶自有琴臺秋水淡無際暮山相向來曰余  
有千曲欲奏心徘徊但恐無鍾子素襟誰與開

修禊浮玉山亭懷李琴夫

天桃三月紅雨飛水邊修禊春風微采蘭仕女青玉佩折  
花郎君白袷衣接天草色日將夕滿路鶯囀人未歸記得  
去年山酒熟一樓明月詠芳菲

倉卒

倉卒征南下碧袖初聞衽席過貔貅服牛未定輸糧策縛  
虎先爲入穴謀豈料空拳真遇敵當時一飯勝封侯星橋  
火樹張燈夜羽檄飛馳正未休

屬草真傳用左徒登壇高議日紛如漫言蛇鳥親臨陣已  
覺蝗螂敢抗車虎旅不遵孫武約鯁生原誦趙奢書夷酋  
一隊翻堪仗娘子孤軍直擣虛

蘭池笠轂舊聲名一省何嘗替孟明軍政纔聞誅後至將

星忽報落前營九龍移仗邊風急雙鶻橫霄塞草平可惜  
希文窮塞主長天落日閉孤城

練光樓小集

偶借春光一倚樓頓令才士感前游十年殘夢俱鴻爪萬  
里歸人乍白頭流水無情終惜別名山有酒便消愁拂衣  
更向滄江笑何處雲天是十洲

安南國貢使阮輝登岳陽樓有句云霧借山光吞  
去鳥客從鏡上數歸漁頗覺新雋阮安南探花也  
淡雲微雨朝鮮使去鳥歸漁交趾才我是中朝舊供奉江  
湖白髮首重迴

劉權之字德輿號雲房長沙人乾隆庚辰進士改庶吉  
士授編修官至體仁閣大學士謚文恪

涇縣道中

綠影埋天地濛濛望不窮  
路隨青嶂合徑入碧雲通  
野鷺棲煙白山花夾路紅  
衣衫疑暗溼出沒翠微中

過琴溪

聞說琴高鯉今過躍鯉溪  
奇峯含古秀小洞護靈棲  
采藥來松下成丹去水西  
何時歸鶴馭橋柱倩新題

曹文植字薺原一字近薇號竹虛歙縣人乾隆庚辰進士改庶吉士授編修官至戶部尙書太子太保諡文敏有石鼓硯齋詩文集

敏有石鼓硯齋詩文集

詩話文敏官戶部右侍郎時旗人海昇毆斃妻以自縊報法司審驗卽以自縊定擬海昇阿文成公之戚也其妻弟復控檢驗不實上命文敏與伊齡阿覆驗得毆斃狀論如律時和坤方欲借此案傾文成大喜卽密奏曹某可大川立擢戶部尙書後文敏知爲和坤所薦深恥之遂借終養告歸其自守之嚴如此文

敏以文學受主知廣和天章屢蒙褒  
獎詩格雍容和雅亦承平臺閣之音

張灣登車偶成

南人愛舟畏乘馬匪惟畏馬兼畏車車輪觸石聲輾輾震  
耳奚啻晴雷驅不如一葉任掀簸銀濤雪浪衝江湖繫予  
北行四千里今日艤棹登車初平生經歷所未慣童僕感  
縮吾酒如物情世態看爛熟遭際隨分足以娛紅塵茫茫  
陸亦海風波欲作何地無心空不涉分別想九折之坂皆  
坦途試觀舴艋日隨海鷗泛薄笨亦駕吳牛趨扣舷執鞞  
各有適燕歌越唱互答安有殊

題講梅兄躬耕養親圖

講梅山中仙曾逐岫雲出雲歸人未歸望之心紆鬱邗溝  
足拾游毋乃遠親膝駕彼青驄馳何如黃犢叱吁嗟少年

場輕薄狎邪佚竹西吹瓊簫蜀岡挾瑤瑟座中歌舞歡堂  
上甘旨缺往往朱門家不及五畝室

春雨飛綠畝春風生翠微密林匝濃陰載及扶犁時胼胝  
事耕作筋力遑云疲破曉荷鋤去薄暮驅牛歸歸來未停  
足沽酒佐晚炊陶然得新釀歡笑娛親闈老人問田事告  
以春水肥溫顏顧之喜一傾匏子卮

農人苦無田未盡芟柞力我獨胡爲者有田耕不得白日  
易馳西紅塵欲行北強飾游子顏仰慰兩親色每聞布穀  
鳴敲枕常惻惻抱此一寸心恨無千里翼披圖顧柳陰連  
塍綠如織搔首幾踟躕還君三太息

觀音巖

神工不沿襲生面開嶮呀彈子磯已險狡獪斯有加巨石

插江表屹立凌雲霞幻作倒垂勢彌望何槎枒蟠蚪露首  
尾渴虎張爪牙寒光偶一閃凜凜懸鑊鄒猿獠所不及半  
壁蒼穹遮古洞復誰鑿黯淡臨江涯冉冉蒸水氣霽歷輕  
煙斜或恐匿魍魎亦慮藏虺蛇飛仙庶能度風馬雲爲車  
如何時層構中有山僧家彷彿普陀石海上橫孤槎快游  
試新險打槳乘短艇飄忽到巖麓曲磴通幽遐洞口已昏  
黑欲入空嗟呀山僧解愛客夾徑燃燭花天光漏一綫西  
向穿窬紗樓閣半無地支以枯木椹有檻不敢倚側足雙  
手又驚瀧俯浩渺石齒紛齶齶盤渦與旋沫咫尺千拗窪  
蛟龍此窟宅毋乃時攫拏正容戒僮僕下視聲勿譁須臾  
暮色起津鼓聞三搥篙師理輕楫蕩漾歸平沙隔江騁遙  
眺波影殊清嘉佛鐙照明滅幾點盤神鴉

望麻姑山

臨池少習平原書，名山靈迹尊麻姑。  
關河迢遞不可到，蔡經故宅知有無。  
今年西江奉使節，秋風一棹來仙都。  
芙蓉萬萼插天表，騁睇已覺襟懷舒。  
儻令策杖踏煙月，快飲玉露餐雲腴。  
一雙塵足苦纏縛，咫尺仍復千里如。  
橋通三峽自砥礪，杉列七星猶盤紆。  
清音往往下鸞鶴，聞有雲馬驅風車。  
仙人詎必吝麟脯，俗子自欲沈泥塗。  
酒帘競署麻姑字，一甕空向街頭沽。

金士松字亭立號聽濤吳江人乾隆庚辰進士改庶吉士授編修官至兵部尚書諡文簡有喬羽書巢詩內

外集

天台山萬年藤杖歌爲宗伯沈歸愚師作

先生昔日游天台，搜剔巖穴煙雲開。山僧持獻萬年古藤  
杖，云自仙靈窟宅之中來。亦城峯高人迹絕澗道陰崖積  
冰雪，蒼龍抉爪出重淵。化作靈根裏山骨，烏飛兔走無春  
冬。蜿蜒千尺盤青空，媧皇鍊石樵採偶不到。烈山反火留  
蒙叢，何年卻入良工手。割鬣刪鱗號靈壽，頓令屐齒滿江  
湖。翼德扶耆功不朽，黃山雲海連天都。芙蓉削出匡君廬，  
莫釐縹緲日相望。青山一髮非模糊，一從此杖隨行囊。鄉  
夢時時到邱壑，掉頭倦直承明庭。擬謝吹藜校書閣，承恩  
詔許歸東山。白鹿宗風閱講筵，春花秋月閒乘輿。桐帽棕  
屨稱往還，前年謁帝來行殿。特賜扶筇侍清宴，優老兼陳  
稽古榮。孔光卓茂何須羨，葑溪丹暝流春溶。菖蒲繞屋花  
紫茸，赤松子黃石公羣。仙抗手迎雲中杖，兮杖兮爾仍騰

擲變化爲蛟龍三山五嶽汗漫相追從更歷年歲無終窮

居庸關歌

居庸險絕天下無右枕山海連飛狐關溝直上四十里龍  
蟠虎踞環中都拔地雙崖通一綫班班車馬穿雲見飛流  
激澗落松風關門咫尺陰晴變迢迢南北圍山城胡沙極  
望雙眸明桑乾榆林遠鉤帶雲中上谷開藩屏斥堠高低  
不知數云是前朝用兵處漢家天子昔蒙塵因向雄關議  
增戍增戍添兵二百年高牙大纛稱防邊暫見和親通瀚  
海旋驚烽火照甘泉可憐百道勤王集漫說三關堅壁立  
中夜監軍掣鎖降反使開門揖盜入吁嗟乎始知從來天  
險不足憑無德易亡有德興真人紫氣起遼海電掃六合  
驅燕恆依舊崇墉等鑄鐵亭堡沿山補荒缺親見班禪向

化來西天萬里尋車轍居庸關前白日秋居庸關北黃雲  
愁行人下馬看山色回首神京天際頭

南唐官研歌用東坡墨妙亭詩韻爲鐵冶亭侍郎作

研爲歐陽文忠故  
物覆手有公題識

歐公昔貶官夷陵少年意氣殊飛騰上書偶觸司諫怒一

擊不中鞬脫鷹攜持此研隨行篋五鹿折角猶藏稜識云

陵時折其一角摩挲廿載歷禁近直學都尉銜條冰款署皇祐三

士鈴印曰輕車都尉蓋距公傳聞南唐初置監山骨鑿鑿

官夷陵時已二十二年矣深淵憑蒼龍抉爪洩地脈牛後詎辱端溪憎玉蟾蜍滴易

水墨澄心堂紙欺霜繪淋漓墨瀋日千幅想見建業文房

登侍郎耽書更嗜古寶研每出誇良朋細書藏鋒螿秋蚪

草訣掣筆蟠寒藤鳳池右軍曲水大令研研卽此是千秋義獻

薪傳鐙徵題墨本逮下走竊羨仙舟附李膺

董鳳三字梧桐號鶴銜浙江山陰人乾隆庚辰進士改庶吉士授編修官至吏部侍郎有慎獨齋吟牋

漢武

云亭七十紀空傳方士祠官溯漢年玉塞纔聞來苑馬珠江早報下樓船景光夜氣燒金鼎平準秋毫殖貨錢至竟輸臺見英武富民封後不開邊

塞下曲

幕卷黃雲透角聲沙移斜日上空旌可憐白草多情緒偏向征魂骨裏生

雲撓金距新蒼鶻草奕瓊絲老白駒春意只今無遠近玉門輕發數枝花

重過黃梁祠

傑閣危臺架紫煙探奇誰向沈寥天也知說夢還成夢可  
許求仙便得仙國到華胥終杳渺事如蕉鹿亦因緣多生  
爲問情何著辛苦春蠶欲再眠

題黃石齋先生手書詩冊

莊烈事猜忍操切惡強諫宵小伺其隙立朝不容善漳浦  
凜清修忠佞亟所判投荒分固宜再起心猶面材大用終  
難時窮節始見陵微社已墟草澤兵徒玩問關閩嶠棲詎  
異崖山竄披榛署臺閣募市充組練巍巍大將旗居奇竊  
觀變掌上弄孱主籠中繼俊彥憤激感重臣呼天淚如霰  
燭火光未豆弱絲引纜綫闌防颺風瞬息虞刀箭滅絕  
在須臾死綏不待援亦如螳臂撐甯無頸血濺辛苦出凶

門淒涼白羽扇烏合張空卷曷足當蓬蒿一敗遭繫縲霜

刃目不眩留京故嚙嶮往事誰塗炭步艱廟弗靈穴殉身

能辦從容投筆餘正氣歸天漢前此梅嶺頭史闕後者榕

江畔瞿闕碧血共熒熒千古星辰爛當其誓墓時愴切松

楸戀夫豈非人情諸子亦在念軀髮一朝捐民彝胥荷擔

遺墨寶人間精芒攝流電讀之感概深臨風再三歎

王中孚字木舟號蓼塘諸城人乾隆庚辰進士改庶吉

士授編修

詩話蓼塘應禮部試舉第一詩溫婉有致晚寒絕句云風帷絳繚雨窗幽索米長安憶舊游記得年年燕

母幾寒衣從未過中秋蕭然見思親之意

趙北口次壁間韻

春到中年百感同等閒春雨復春風嘯鳩真是難爲婦黃

鵠從今化作翁豈有鄒生剗瀛海枉教楚客問昭融囊中  
萬本金光草燕自西飛水自東

張翥字鶴林成都人乾隆庚辰進士改庶吉士授檢討  
有鶴林集

送顧息存大廷尉冊封安南

平明捧冊下青霄桂郡珠崖道路遙秋去黃花迎使節春  
歸楊柳映征鑣百蠻碑版傳荒服三殿泥書降聖朝載得  
聲靈通萬里論功應不讓銅標

孟超然字朝舉號瓶菴閩縣人乾隆庚辰進士改庶吉

士歷官吏部郎中有瓶菴居士詩鈔

符南樵曰梁蔭林中丞嘗言瓶庵先生詩不規規於  
古人而絕似中唐人吐屬其病中雜詩云殘鑿無從  
坐沈冥故友追思淚欲零莫望夜來還對雨劇隣曙  
後有孤星平生肝膽真磨劍後死文章愧汗青三復

子由陽斷句山陽鄰笛不堪聽又秋蟬云汝性最高  
潔應無日暮愁奈何不結舌及此鳴高秋其清音沈

調類

如此

詩話瓶庵歸田後主講齋普院十餘年教士以朱  
子之學爲歸詩和雅而有遠致不墮理障七言近體  
如爲人題觀我圖云夢蝶漆園吾喪我舉杯太白影  
隨人書趙秋谷飴山集後云酒失略如蘇子美琴聲  
猶憶董庭蘭隸事工切  
意度邈然皆佳句也

寄閩清陳大章奎

方塘鑑明月餘照攬盈襟苦憶蘆中士相憐河上吟干將  
霄漢氣松柏歲寒心一棹梅溪便遙情江水深

越王臺

岩堯宮殿暮雲開指點東南出霸才逐鹿天歸炎漢去釣  
龍人自大江迴千年廟食仍王后終古英雄起草萊伏臘  
雞豚舊閭里靈旗莫拂怒濤哀

秋日游道山石室懷古感舊得詩

十二年前此樂羣石牀蘿徑葉紛紛死生慙負延陵劍篋  
筍空存鄴下文山色茫茫看落日秋陰漠漠但寒雲道山  
亭卽山陽路鄰笛淒清不忍聞

應山弔楊忠烈公

顧命當年一諫臣移宮事變早批鱗願除曹節扶沖主能  
死陳蕃坐黨人北寺一時沈白馬中原他日愴黃巾封疆  
門戶同澌滅遺恨空留楚水濱

作家書

勉強報平安欲書還遲遲行者馬已秣安得罄其私寄信  
謝行人歸去到茅茨但言顏色好不異去家時遠游事多  
端勿使衰親疑送君上馬去我心君應知

過石柱境上弔女將軍秦良玉

女將軍秦良玉石柱司統荒服渝州城門晝不開渝城狼藉皆血肉判官胡廷表走效秦廷哭女將軍師爲出大戰二郎關身不辟矢鏃黃來兒何荼毒女將軍幾先燭督師楊閣部乃驅賊入蜀中丞見事晚傷哉同顛覆一戰羅汝才矯矯奪其纛天生女將軍英姿古所獨養賊自重伊何人奇男子勇有餘忠不足君不見左將軍亦良玉

答客問

一入煙蘿歲月深雲泥無暇計升沈笑他姚合饒詩思除目看來損道心

姜錫嘏字爾常號松亭內江人乾隆庚辰進士改庶吉士愿官禮部員外郎有皇華詩鈔

水口驛登舟

山川圍海國形勢最稱雄老樹孤雲外輕舟亂石中霧濃  
疑有雨灘響不因風清絕知何處還看橘柚紅

古北口

嵯峨山勢絕躋攀一綫梯懸碧落間大漠風煙連雁塞雄  
邊鎖鑰控魚關灘聲怒激千層浪嵐氣平吞萬仞山海嶽  
昇平無戰伐戍樓長對白雲閒

吳泰來字企晉號竹嶼長洲人乾隆庚辰進士壬午召

試授內閣中書有硯山堂淨名軒諸集

惠定宇曰竹嶼詩凡三變其始清真古澹直是王孟  
繼而票姚跌宕沈鬱頓挫彷彿少陵太白久之而絕  
去標榜渾成蒼秀遂能  
不名一家而兼擅眾美

詩話竹嶼家木瀆有遂初園亭林園籍與吳越諸名  
宿流連觴詠於其中詩取法漁洋意致蕭閒才情明

秀王蘭泉謂吳中數十年來自  
歸愚宗伯外無能分手抗行者

十八盤

蒼崖破天根壁立生萬象丹梯垂鐵鎖猿鳥不敢傍天關  
鬱嵯峨風雲日摩盪仰穿但壁削俯視驚滂瀆孤松倒干  
尋天矯忽奔放飛泉劈陰崖石角皆怒向凌虛步彌跼造  
極神乃王冥思真宰理雕鏤窮異狀遐哉七十君靈跡空  
想像云亭尙崔嵬簡冊應淪喪吾將採瓊蕤高卧觀疊嶂

虎山夜泊

月白江氣寒秋波澹容與征帆投遠村哀雁尋荒渚惟見  
打魚人隱隱煙中語

吳越王廟歌

異人初起天目峯金戈百戰揮羣龍羅平妖鳥一朝盡戮

峩王業錢塘宮紇千山頭凍雀死碣山小民作天子丹書  
鐵券渡江來尙父空名真足恥惜哉不用羅江東交臂事  
賊非英雄子孫相承六十載落人掌握何怱怱當年萬弩  
射濤處鐵幢高聳樟亭路英姿颯爽已千年至今吳越蒙  
安堵吳越江山總寂寥錢塘宮闕草蕭蕭荒碑猶立表忠  
觀古祠空對浙江潮潮生潮落悲今古運去時來何足數  
一聲白雁下江南臨安又作降王土

天井灘

五里間灘聲驚雷聒晴晝行人戒屐楫欲往不敢躡黃緣  
涉葭葦倏忽抵巖竇洪濤傾山來萬竅各奔湊仰窺若建  
瓴直上比縣溜石如癡龍蟠水作外蛇鬪中流入盤渦震  
蕩幾致覆馮夷憫其勞靈風幸相佑千搖遂山谷迴波帶

情漚長年顏始開鄰榜曲已奏迴思踏奇險失足那可救  
停橈一長吟久客悲老瘦

橫石

出險復入險目眩心長搖滄江忽一束巨石當巖崱槎枒  
藤外捲竅穴風中號急流亂澎湃眾水喧嗷嘈衝波走逆  
浪百丈連山腰來舟如輕鳧瞥眼不可招冥冥入暗谷颯  
颯聞悲柔嗟哉造化奇設險非一朝我聞垂堂戒胡乃輕  
鴻毛作詩招征魂日落風蕭騷

送沙斗初渡江

經年離別楚天遙重向河梁折柳條八月涼風吹早雁一  
江秋雨送寒潮西津雲樹帆初落南部煙花恨未消想到  
蕪城懷古地愁人無那廣陵簫

宿水竹居連日風雨偶賦短歌簡黃芳亭趙升之  
花南老屋吹春風辛夷欲謝天桃紅平隄水漲野煙合柳  
塘陰雨愁濛濛林深無人掩茅屋斐几湘簾淨塵俗幽禽  
隔竹一聲嘯芳草當階幾叢綠閑窗坐對一樽酒苦憶南  
村素心友著屐衝泥興不辭傳書折簡情何有流光拋人  
春可憐城西水榭花連天錦屏繡幙看不足青林幾日聞  
嘯鵑今年花紅不相覓來歲花開定相憶煙波千里兩愁  
心君住江南我江北

題姚雪軒吳山晴翠圖用東坡煙江疊嶂圖韻

浮巒暝翠江南山白雲半化青林煙人家歷歷住厓谷小  
橋茅屋村依然柔枝低壓採樵徑落花亂點春巖泉青溪  
萬轉深不測錯疑路入黃花川上方樓閣空翠裏松杉明

滅斜陽前吾廬窈窕在何處堯峯一角青鏡天客游到此  
忘寢食毫端墨妙爭清妍五湖咫尺在眼底何不歸種香  
溪田君不見雪軒當日官沅口瀟湘風景過三年蒼梧雲  
低天漠漠斑竹雨暗春娟娟自從拂衣林下隱近已抱犢  
山中眠畫禪書聖兩無敵芒鞋入市稱癯仙此圖示我良  
有意結習未化終前緣作詩寄與訂後約他年爲我重寫  
陶令歸來篇

輓李客山徵君

少微星掩碧天空耆舊彫殘此日中一代文章傳倚馬百  
年心跡寄冥鴻身藏人海何妨隱名列儒林未是窮悵望  
青山埋骨地要離冢畔起秋風

吳璜字方甸號鑑南浙江山陰人乾隆庚辰進士授戶

部主事改官湖南澧州知州金川殉難贈道銜有黃

琢山房集

詩話鑑南爲商寶意之甥從之學受詩法律句和雅  
蘇麗一以寶意爲宗一時名流多與酬唱仕宦不得  
志從軍授命畢秋  
帆制府爲刊遺集

寄懷商鳳池都中

去年風雪上長安節序驚心又歲寒  
共道此間居不易須知我輩事尤難  
懷珍舉世輕和璧初佩何人擷  
楚蘭同是天涯淪落客尺書鄭重勸加餐

歲暮書懷次寶意舅氏韻

隨風袞袞輭塵埋嬾上摩肩十二街  
故里何堪長作別殘年且住亦爲佳  
尋巢那省禽思越失性真同橘渡淮  
惟有東皇如舊識探春先製兩芒鞋

世家慚愧舊延陵除卻傭書百不能坦率科名遲宋濟粗  
豪湖海負陳登酌椒此夜招鄰叟煨芋他年問寺僧莫道  
寒窗清課少半旬束筍近詩增

塞下曲

萬里紛飛檄千軍正荷戈重陰藏白日濁浪渡黃河烽火  
燉煌部牛羊勅勒歌漢家威德遠未許郅支和

陳奉茲字時若號東浦德化人乾隆庚辰進士歷官江

甯布政使有敦拙堂詩集

姚措抱日東浦作詩專法杜子美論者謂樸厚之氣殆足擬之 洪北江曰陳方伯奉茲詩如壓雪老梅

愈形

風土足以發其才情而無浮聲囂氣措抱以樸厚推

詩話東浦官蜀最久詩亦以蜀中諸作爲最臚江山

之向爲知言此作  
家之異於才人也

江上迴望香鑪峯

匡廬轉迢遞香鑪秀孤峯色立寒氣正情留去人濃東林  
初識面上流若爲容始知孟襄陽表此開奇胸江豚動浮  
日渚鳧會晚風落木楚塞闊櫂歌巴船逢家室幸得將桑  
梓猶懷恭草堂戀宦轍況有籃輿蹤登艫眺既切陟岸眷  
彌重蒼然水煙渺曾是歸雲封

峽內

落石猿猜舟冥冥峽向夕月依斷崖高天曳寒水窄脩蛻  
挂虛景蟄雷殷峻隙太陰無錯雪皇古已勞劃但覺相高  
競豈知入幽坼白帝迷所居神女牽感迫忽然燒絕壁慘  
淡屯雲赤人火徑不通落霞嶂已隔吁嗟何物爲作此奇  
異迹夜夢屢驚泣舉家畏途客

夔州府

日斜孤帆曠夔城始在地渡頭散人聲山色低鳥翅不知  
江未束誤謂流已肆雖殊安土情似緩驚波意入舟慶老  
母出舟窮遠視西知天有餘東望峽已闕卻問灩澦堆長  
年煩指示奇姿混黛色小小知名字失之晚飯間頗自嗤  
俗吏無心計象馬且喜蜀道易

又過博浪鼓山

宦轍迢遙去不歸頻來絕境趁斜暉天垂地底根皆見石  
上雲端骨欲飛頓轡長鳴猶馬力揚旌獨戍亦兵威書生  
得此殊榮幸何怪人言貌尙肥

過相嶺

相嶺行多異見聞朝來新霽昨雰雰素輝細裏千林凍赤

氣微含百變雲旬日返歸誇列子殘年高卧憶匡君陰山  
老馬餘知道會逐驂騮立戰勳

康觀察於睢甯風虎山建周忠武將軍祠二十韻

勝國亡無待將軍死卽休乾坤空百戰河嶽獨千秋入伍  
知兵法觀時料王憂長蛟除豈盡細柳備何由南八無完  
指嚴顏有斷頭臣心猶一木世事已浮漚共命鸞皇奮全  
軀狗彘偷降賤爭納賊厲鬼不忘讎妻氏傳蒙古家山著  
錦州本兼捐馬革遑復記狐邱蕩水岳祠舊解梁關祀修  
招魂有凡例數典尙旁搜風虎標新境鄉人說故侯鬚眉  
存畫軸骨肉譜方輒此地知深戀陪京不遠求高皇有陵  
寢先世且田疇立廟逢觀察爲文表僻幽河雲承大樹唯  
水薦寒流孤冢猶存代仙蹤或遇留歌詩將侑享應識往

來游

大蓬山次前韻

人聲寒在澗雲氣落當岑  
明日定山雪一家惟石陰  
疲嘶從吏馬飢坐晚林禽  
聞道棉收薄無衣卒歲心

百丈關

東南一尉屬兵曹洞達重門樹色高  
天擁羣峯開棨戟日臨寒水偃弓刀  
山中蜀鐵輪船滿市上秦聲得酒豪  
騎馬從容攬形勝千年戍柝亦須操

千佛巖

神功誰所騁劉鑿到穹石造天千佛青無地  
一江碧虛界獨安立征途挂今昔龍門題傳訛  
石櫃詠可繹不知何處聲長嘯蒼崖劃雷雨  
春倒懸淵泉夜開坼孱蒙質所稟調

御性乃宅伊余爲此縣敢憚凌鳧烏

郭有道墓碣

碣旁有漢槐一株

後死中郎愧平生孟博哀人師真不忝名士得無災寥景  
冥汾雁清風出漢槐崢嶸標片碣應後介山頽

裏塘寓舍

儘堪晚起無人處苦迫衰年少睡時晴散雪花看漸密夏  
生春草意猶遲殘編熟盡還相對蠻語通多總入詩萬里  
淹留問心迹夢迴地下老親知

劉塏字象山號松坪諸城人乾隆庚辰進士改庶吉士  
歷官江甯布政使

十一兄得講官喜贈

戴憑奪席仁知名早見除書下玉京三殿委蛇新學士一

經教授舊儒生茶分小鳳春香泛槐舞雙龍午蔭清中祕  
徧窺勞夢想願從東壁借餘明

宋銑字小巖吳縣人乾隆庚辰進士改庶吉士授編修

歷官衡州知府有靜永堂詩藁

詩話小巖仕途坎坷而詩境和雅無牢騷哀怨之語  
題講易圖有句云閱世方茫茫返躬獨惴惴習坎義  
恆懷視履境常累劉雲房相國極稱之

登五層樓

百尺危欄捲蝨蝨蒼茫遙俯嶺西東簾前寒入千門雨檻  
外陰生萬里風黃紫氣銷江色淨魚龍影落海天空趙劉  
割據俱陳迹指點山河霸略雄

送唐再可之任滇南

再可于役萬里留滯兩年旅况  
蕭瑟幾無以自存幸而得行詩

以送之中間  
皆實錄也

春風浩蕩吹百草柳條婀娜鶯聲好行人三月長安春相  
思萬里昆明道昆明遠隔浮雲端鐵橋之嶺何巒岈橫空  
一綫盤鳥外懸繩欲度愁飛鳶嗟君何爲此遠適官程期  
會嚴晷刻匹馬荒林象跡深空山獨夜龍吟急水驛山程  
幾送迎行行瞬息春秋更點蒼山翠多猿嘯普洱江寒少  
雁聲卻意前年見君日同雲釀雪風蕭瑟一官絕徼何所  
攜萬里風煙歸健筆長安磊落多心知淋漓談讌無虛時  
檀板落花春中酒烏絲紅燭夜評詩緇塵久客愁如海豪  
情不逐黃金改高歌那識爨煙虛拂劍仍看虹氣在丈夫  
苦樂亦何常揮手休辭路阻長治蠻自古貴遠略請君小  
試龍泉芒

和蔣六澄川韻

天意重新霽人情愛順風似償三宿滯直下曉煙空水市  
雞豚散高隄榆柳通最憐霜信早衰草已叢叢

泊頭曉發

落日明飛鳥歸人趁渡船孤城帆影外霜角暮雲邊漲減  
平沙闊天寒野蝶妍客程貪利涉沿月下前川

東光

武城縣九日

中秋淡月沙洲宿重九西風小邑荒天地扁舟空命酒關  
河千里有新霜行廚蕭瑟山薑紫入幔伶俜病蝶黃遙憶  
法源松下路故人應少孟嘉狂

吳楷字景儒江陰人乾隆庚辰進士官騰越知州有退

圃集

王蘭泉曰大軍征緬甸軍實所資動需百萬君以一  
知州措柱其間咄嗟立辦師罷將被薦遽以疾乞歸  
詩篇於息遽中援  
毫立就清雅可觀

楊林驛

古驛楊林路重來十六年斷雲村口寺殘雨海中船歸計  
憐雙鬢秋懷共一天忽忽冠蓋集使節又臨邊

乘風過岳陽樓不及一登感賦

岳陽城郭枕寒流天下江山第一樓雙鬢遠攜蒼洱雪三  
年老傍洞庭秋雲煙每向忙中度筋力都於懶處休後樂  
先憂懷往哲臨風笑我逐浮鷗

侯朝宗有媚香書畫之章中鏘俠骨稜稜四字呂素  
園爲詩以誌卽用其秋字韻

壯悔堂開傍畫樓印章零落有人收柔情小住秦淮月俠  
骨爭高粱苑秋北里桃花歸樂府南都金粉騰風流如今  
又得佳公子大阮詩篇與唱酬

折遇蘭字佩湘號霽山陽曲人乾隆庚辰進士官揭陽知縣有看雲山房詩草

春日雜興柬劉謙齋

金井樓高俯逝波浮雲東望足狂歌一春心事花邊盡十載清明客裏過佳句漸如良友少離愁翻比亂山多西坡結屋吾將老好待雙旌訪澗阿

鄭熊佳字南翔號蓬山天津人乾隆庚辰進士官電白知縣有蓬山詩存

贛州

地界東甌南越閒故將鎖鑰寄通關劃開古郡雙叉水東斷中流兩面山老友風姿猶嫵媚故人書札亦爛斑多情更有黃梅雨臨別還添綠一灣

東林寺

匡廬山下接東林曲徑蕭蕭草木森青翠萬峯環五老玲瓏高塔聳千尋由來勝迹凋零易自古名流禍患深一撤皋比清議散空留黨籍未銷沈

劉謙字記州新建人乾隆庚辰進士有賓曰詩鈔

暮夜有懷

暮夜四瞻望煙霏蔽高岡浮雲過微月野草被清光寒氣厲淒緊朔風吹衣裳飛鳥尚有息我獨何徬徨弟兄異鄉縣焉得共翱翔引領還復入沾襟涕淋浪

灘下候風

邁邁夫何如歲聿其暮矣終日對寒山聞此灘流駛荒林亂風葉繁聲悲遠耳夜闌霜天高悄然長途倚

四顧何警肅山空起長煙羣響隱不見月明聲在川崩湍  
向予怒悲激毛髮寒天地多險途豈必我獨然

游海珠寺同山陰族弟宸章

蒼蒼海氣羊城低寒潮汨沒清秋時混茫巨石激激灑古  
寺屹鎮飛丹榭我來登此一臨眺滿眼浩渺驚琉璃千舸  
萬艇浮鴨鶩層欄曲檻紛鱗差車馬喧填入都市衣冠炫  
耀奔星馳鬼方之人言服異貓睛閃閃爭游嬉憶昔劉鋹  
擁斯土顧盼左右矜雄姿割據偏安意自足粉黛環列吹  
笙篔此時歌舞惜光景附城百萬登熊羆白日西傾伯氣  
歇花田夜雨狐狸悲杳杳崖門拱岬嶂慘淡萬古波濤吹  
趙氏塊肉舟已覆英魄至今臨海陲寸心那共尺土滅白  
骨獨與蒼天支村落兒童不解事猶能指識三忠祠徘徊

寶閣發感歎疾風颯颯吹星漢沈香浦頭荒霧深古鵝潭  
上餘霞斷宸章謂我試作歌我才衰薄柰若何俯仰萬類  
羈情多吾儕何爲鬱鬱困茲土坐令白日空蹉跎

沈啟震字位東號青齋桐鄉人乾隆庚辰舉人厯官山  
東運河道有慎一齋詩集

讀史

周室既播遷禮教久不聞迨至戰國時一世無人偷食子  
何太忍殺妻殊寡恩復有蘇季子歸來驕其親但知圖富  
貴天性誰復存所以魯仲連高蹈東海濱

始皇成大業險難疊隨之一死於荆軻再死高漸離三死  
博浪沙四死崑崙池數死竟不死天意未可知如何更酷  
虐自謂功德巍神山求藥去鮑車畢命時

彭王既爲醢淮陰亦就亡富貴不知退往往召災殃英雄  
自難馭甯恨良弓藏留侯獨見機功成謝侯王願從赤松  
游辟穀求仙方前有范少伯後有張子房

長卿負奇才窮困去鄉里邑宰繆相重富人心竊鄙閨房  
有特識夜奔不爲恥奏賦長楊宮賣酒臨邛市生平可不  
恨乃得兩知己文君一佳人武帝一天子

王宸字子凝號蓬心太倉人乾隆庚辰舉人由內閣中

書厯官永州知府有蓬心詩鈔

詩話蓬心爲麓臺曾孫官山水之區往來瀟湘間故  
其畫別有一種蒼潤之氣非人所及晚年罷官依畢  
翁山制府於武昌以書畫爲生活有句云寫  
幅丹青閒換酒每逢佳客便當留可見高志

蒲褐山房圖題句次東坡韻

苦吟咽秋蛩旅夢冷秋雨隘巷白板扉常掩西山霧先生

對門居談言起幽慕老屋擁蒲褐妙解坡仙語花時設芳  
樽招列戶外屨冰梅入座清恍然釋塵慮烹茶起瓶笙細  
響疏林度蕭然寄此身隨地得閒處滌硯繪斯圖下筆生  
遠悟願從杖履游時領安禪趣

庚戌除夕示影山姪

莫嫌舟次逢除夕小集賓朋興亦嘉一盞同添今夜酒雙  
鐙已報隔年花岸邊送臘聞傳鼓江上迎春望使車惟憶  
永陽官閣裏相將絃管笑言譁

采藥

行過千山與萬山者回廟得茯苓還白雲繞足家何在日  
落洞庭秋水灣

李萬青字子中號南池諸城人乾隆庚辰舉人官打箭

廬同知有錦江集

巴江九日

故國霜前菊今年又作花  
王程秋出塞歸夢昨還家  
流宕水三折蒼茫天一涯  
何人乘醉興風外弄清笳

秋夕送客

秋在蟲聲外臨歧翻自驚  
夢從今夕遠路向故鄉  
平巫峽猶飛浪青山欲送行  
寄書書不盡天末未休兵

曉起

缺月壓蒼莽長河垂杳冥  
露翻籬蔓白煙斷竹林青  
棲鳥驚枝散吟蛩近履停  
闌干橫北斗猶見兩三星

張眉大字紫宇號五渚湘鄉人  
乾隆庚辰舉人歷官儋州知州  
有滇南紀行詩鈔

中秋泛舟

中庭不滿弓常苦得月少出郭理輕艫流雲忽已埽平生  
未到處舴艋恣幽討緣延歷曲圯徑轉得層島老樹凝夕  
霏平沙橫荇藻推篷一展玩笑比城中好

待月宜在樓玩月宜在舟舟中一迴望有人樓上頭美人  
與客子共此一輪秋明蟾太皎潔脈脈各含愁笛聲起水  
湄涼颺動眠鷗蒼顏四五人輒語不能休

解纜尙徘徊放溜舟自發微嫌江水急煙樹失倉卒周遭  
石缸旁淫淫動浮沫草根風露重一路秋蟲咽遙望郭外  
樹頓覺山城闊波間星瑣碎樹隙鏡明滅弭節風吹衣歸  
踏街心月譙樓秋點長清歌猶未歇

張五典字敘百涇陽人乾隆庚辰舉人官攸縣知縣有

荷塘詩集

楊子安日敘百天性痛至素無聞於家庭故視民如赤子而於詩之豈弟樂只穆如清風者往往不期而合

答齊次風先生

仙翁家天台石梁作飛渡俯看人間世風煙萬壑注快作  
瀛洲談流傳金石賦道書續祕牒藝林重掌故偶輟谷口  
耕來踏江東路相逢湖海上論衡乞談助揮塵通往復拈  
筆隨例疏我固方隅見記憶少脫誤昆明飛石鯨甘泉雕  
玉樹讌游罷曲江陂陀鑿杜固山川初無改今古亦旦暮  
慙稱懸河口奉補水經注

南岡

南岡何高高上有郭生墓苔蘚沒斷碑已失雙柏樹袴褶

徑相遺早知形骸寓未愁處仲忍危詞藉一悟可憐石頭  
城近逼南街路錢鳳爾何人却超死已暮獨歎青囊書何  
如爾雅注善易不言易學人守其故

段玉裁字懋堂金壇人乾隆庚辰舉人官巫山知縣

詩話懋堂經學小學一代大家詞章非所置意然如  
灘聲不厭喧終古山色從來媚夕暉之句專家詩人  
所不易得也

### 登雅州城樓

雉堞嵯峨矗素雲登臨豪興百寮分灘聲不厭喧終古山  
色從來媚夕暉洛沫異源同赴海蔡蒙高處獨干雲聖朝  
聲教原無外偶爲籌邊誓六軍

飛越峯高木葉聲從軍歲晚不勝情但知牧圉勤羈縶敢  
道潺湲可濯纓落落長松樛堞霓離離幽草入新晴卻愁

一片城頭月西照關山此夜營

秦武城字紫峯曲沃人乾隆庚辰舉人官兩當知縣有

笑竹集

詩話紫峯自謂於五古宗陳思七古七律宗杜陵惟五律與絕句則出入於六朝三唐無常師也其自負甚高實則其擬古及五言古詩頗質淡無浮藻七古磊落有致而時有率筆近體多佳製亦微病淺易

寄巴陵楊明府乞君山茶次東坡和蔣夔寄茶韻

人生飲啄無非緣百年遇合隨所便粗糲腐儒飽卽可誰能水陸窮芳鮮獨憐有好漸成癖嫩蕊活火烹新泉日鑄鄭宅昔曾試碧甌玉乳浮花圓一自買舟下南楚便如渴鯨思吸川二月雷動蓓蕾結家家摘取當新筵岳州黃翎品最上澗湖注目遙生涎幾葉潤喉破煩悶陋他蠟面膏須研巴陵神君治第一君山貢物如當年揀選金芽獻天

子王公次及誰能先而我獨爲乞少許但搜拙句無須錢  
慙慙煩君倒篋筭白絹三道斜封纏寄到山家百拜受肯  
付稚子薑鹽煎江上清風朗月夜七盃嘯傲凌前賢陸羽  
盧仝今已矣後之來者誰媼妍詩成亟寫博君笑珍重他  
日還相鑄

春郊

春色憐羈思芳郊望欲迷草連村向背泉東路東西映柳  
圍鶯坐飛花散馬蹏爲尋酒家去買醉好留題

秦州詠古

杜甫詠詩南郭寺于今老樹鬱蒼蒼天風欲下聞龍吼殿  
霧初開看鶴翔異代游人常護惜歲寒山色不淒涼品題  
終賴空庭句感歎安能汝壽長

晚泊渝州江北

峽石嶺松過眼青  
九龍灘下泊沙汀  
帆檣二水連天霧  
鑿火三山匝地星  
巴子國開千載險  
豐年碑在萬家甯  
豐年碑在江岸每水落碑出則年豐謂之雍熙碑康熙四十八年二月此碑見  
爲思蜀漢興亡事  
把酒臨風獨凭船

伏羌城北春眺

水村山郭盡煙霞  
萬樹桃花罨柳花  
燕子不須頻顧語  
一川春色在天涯

競秀亭

我生不得漢嘉守也  
作凌雲載酒游  
依檻揮杯爲一嘯  
峨眉天半白雲浮

申兆定字繩齋號鐵蟾陽曲人  
乾隆庚辰舉人官衡陽

知縣

詩話繩齋幼隨父宦游流寓南服善詩歌工入分篆  
籀能刻畫金石嘗宰朝邑搜求秦漢瓦當有未備者  
假諸友用古博仿刻其字毫髮逼真著有涵真閣漢  
碑文字跋秦漢瓦當圖說官衡陽時與吳山趙魯莽  
江都李雨村及同縣折霽山諸人結冷香亭社郵筒  
往來唱酬極一時之盛中年忽慕神仙得迷罔之疾  
終以

無題

堊粉圍牆罨畫樓  
隔窗聞撥細箜篌  
分無信使通青鳥  
枉遣游人駐紫騮  
月姊定應隨顧兔  
星娥可止待牽牛  
垂楊疏處簾櫳近  
只恨珠簾不下鉤

孫理字此堂長沙人乾隆庚辰舉人歷官山東嘉祥知  
縣有柳簡堂存藁

詩話此堂在官清介既罷歸仍爲村塾師以脩脯  
自給詩意境幽靜風調諧適其高處淵源於漢魏

去嘉祥作

官貧囊裝輕僕夫候旦發推挽出南城曠然眼界豁如彼  
拚飛鳥飲啄樊籠脫清明景氣和原草青青茁驅車卽往  
路迴首忽如失遲遲閭閻歷歷憶前日川原旱潦憂經  
營志未畢尸素愧清時字人有何術

雙槐軒

我來何所事日卧雙槐間槐顛羣鴉噪日夕望巢還幽獨  
易生感況復西風寒芳園漸搖落鳴蟲淒夜闌仰視天邊  
月三五正團團明月幾回圓歸思逸雲端遙憐兒女憶望  
月起長歎

道州

九峯霄漢上蒼翠總堪疑古木重華墓秋風二女祠流傳

蹤跡幻歌哭性情移極目江山近蒼梧日暮時

涑水秋夜

鄉關歸夢遠庭樹晚涼新久旅驚秋月長貧累故人移鏡  
飢鼠避入戶語蟲親燕趙悲歌地從來感慨頻

臨邑晚眺

晚照晴開萬井煙凭高秋意滿山川催寒砧杵連村落截  
雨虹霓挂海天南國蒼茫迷遠望西風搖落感流年灤源  
兩度吟黃葉又聽犁城八月蟬

城樓晚眺

城上樓虛夕照平荒郊搖落客心驚林間風咽蟬聲老塞  
外雲扶雁羽輕浮世自來迷蟻穴故鄉今已訂鷗盟高空  
誰伴孤吟興羈望徒傷萬里情

祝詰字明甫秀水人乾隆庚辰舉人有西澗詩鈔

詩話明甫爲豫堂典籍子與薄石侍郎子百泉編修世錫穀原比部子秋然大令復迭相唱和明甫詩鑱刻幽秀絕深鑿險無一習見語擾其筆端尤工體物之作秀水詩派源出西江而變其面目諸子皆能世其家業固不獨竹垞有西澗也

### 舟過金粟寺

畫圖影裏放船行  
雨過村村嘯亂鶯  
港口忽迷高柳卧  
山腰欲截嫩雲生  
粥魚敲破十年夢  
詩篋吟殘三月程  
爲問老僧仍種菊  
重來應許摘秋英

謁林和靖墓卽用集中和運使陳學士游靈隱寺寓

### 懷韻

裏湖靜不波  
雲覆湖半陰  
槳牙萍面畫  
載酒復攜琴  
先生舊隱處  
孤嶼恆幽沈  
艤岸上苔磴  
好風飄我襟  
翠叢識芳

躅石泉明素心梅妻鶴爲子廿載隨嘯吟時或李薛偕煙  
景供登臨胸懷旣蕩滌那復塵慮侵乃知冥冥鴻迴異樊  
中禽低徊誦遺稟託意何遐深安得大癡哥鐵笛吹空林  
一聲破天碧晚峯排千尋

黃子久自號大癡哥  
常於孤山吹鐵笛

### 過花溪宿葆光居

路僻天寒可耐尋羨君處所宛山林溪迴風雨舟難穩夜  
聚親朋酒易深老屋歸然思舊業流光駛甚抱衰心牡丹  
倖獲根株在還望春來繞砌吟

### 無錫道中

行客江湖遠悠悠一葉船窳煙風外直塔影水中圓不見  
村醅味其如暮雪天漪瀾堂好在留詠惠山顛

### 佟家園醉後題壁

竟日籃輿款竹扉，漢陰抱甕本忘機。  
刺梅徑窄黃蜂亂，布穀村深綠樹圍。  
首夏風光扶病出，丈人雞黍賣花歸。  
酒酣祇怪蛙聲聒，一片鄉愁黯落暉。

夏夜獨坐

白馬黃衫懶送迎，檀槽子夜漫多情。  
野風菡萏難留夢，溝水蝦蟆只亂更。  
入世頭顱嗟此日，尋山屐齒負平生。  
誰家河朔成高會，碧落參旗醉後橫。

送從弟東毓南歸

一夢天涯乳燕飛，粥魚茶板靜相依。  
春官三策真投閣，潞水千帆恰羨歸。  
負郭有田高卧穩，出門多病寄書稀。  
南風吹得家山綠，雙淚因君溼到衣。

雷雨連日愁卧作歌與厚石

昨雨我不出今雨客不來關門聽雨夜復晝瓦溝激溜牆  
殷雷從橫淫潦沒階砌翳鬱梵宇青蒿萊江湖有興不可  
卽枕簟那得窗北開君居菜園靜我居米市雜我欲攜鴟  
夷醉眠就君榻高城風斷遠飲虹霽月嬋娟倚闔闔徘徊  
咫尺阻相見蹇衛何堪爛泥踏頽然坐卧憂萬端腳故不  
韞頭不冠君雖得第仍冷官硯凹筆秃杯常乾平生讀易  
識損益一囊之粟妻孥歡季氏對飲真渴驥羣兒繞座如  
翔鸞世間榮貴任趨附糞土蜣螂孰回顧但愁秉燭虛夜  
游庭下百蟲警秋露他鄉會合豈能久明日陰晴問歧路

村舍

土垣竹舍愜幽尋社後風光歷晝陰積雨市堆山筍賤衝  
煙人入菜花深偶然薄飯過鄰叟頗耐清眠聽野禽彷彿

鹿門偕隱處卜居何日遂初心

和菽原綠溪莊看海棠兼懷依雲陝右

健者去騷壇聞金不聞鼓

謂百泉之邢江秋勝之廬江

君復動餘興化

暈貓睛午雉誦海棠詩懷人遠郭杜循職不負丞拯恤樂  
比戶秦關柳依依百斛葡萄醕締好本朱陳婚嫁遲兒女  
昨過道南宅香霧文窗照新綠亞竹梢舊巢識燕侶手栽  
尺已丈開落廿年數棄去傳舍如棖觸鵲鳩苦千絲萬絲  
縈昨日今日嫵幸託謝庭芳枝繁映簪組子弟蘭玉珍雅  
材一百五無忘角弓篇嘉樹厚陪土

王奇士字法菴壺關人乾隆庚辰舉人有東厓詩草

秋夜

露冷棲鴉寂風高候雁鳴那堪多病客復此遇秋聲急水

喧泠漲寒砧靜霍城情深荒暑月猶作故鄉明

郝仲成字次昌壽陽人乾隆庚辰舉人有匏屋詩藁

南山聽吳用山先生彈琴

吳子彈琴處蕭然山水深松聲下虛閣石榴鳴空林落落  
動幽指寥寥聞古音曲終無一語夕日散寒陰

晚眺

涼風驚我袂翹首一開顏夕日上高柳晴雲飛遠山鳥歸  
林葉定村靜犬聲閒誰向寥空外輕描月一彎

夜

斜月明深池流螢下高樹獨夜澹無言幽花滴香露

芮熊占字飛菴寶坻人乾隆庚辰副貢有蕉亭閒詠

朱竹君曰余從劉對廷秀才端明讀寶坻三子詩一  
爲芮飛菴秀才其一對廷之兄少穆上舍端宸也少

穆句有日無情最是南朝燕雨見桃花不寄書誦之  
頤然得風人之旨而飛菴之作尤健故能自出己意  
詩語飛菴爲李樸園光庭外身樸園述歷城徐砭山  
定邪評蕉亭詩云抒寫性靈發響天籟出入於香山  
放翁之問而獨得真趣王子歲歸道山四十餘年嗣  
孫照檢存遺藁不過十之一耳斷句如月因邊地冷  
花是故卿肥夢因貧更幻愁與夜俱長論境自輸人  
有樂寬心誰禁我忘憂蘿花階下雲移影鋤草池邊  
鳥換聲論文老豈無談笑宴客貧  
猶有酒漿張南山詩人徵略采之

### 盤山雙峯寺

對立雙峯插碧天中分一徑透蒼煙南山日照千林迴北  
谷風號萬壑連地隔寒暄難紀歲僧無甲子不知年我來  
靜室驚幽客入座同參柏子禪

### 自林亭乘舟至小盤

林亭曉起駕輕舟一葉飄飄任所遊日湧蒼波紅似洗無  
邊煙景望中收

蘆荻花飛木葉乾  
小盤孤露水中看  
村田收歉魚應足  
一架扳罾兩釣竿

河北廢寺

數尺荒沙沒短垣  
半彎秋水抱禪門  
空林葉落牛羊曲  
徑苔深鳥雀喧  
縣鐸僅存清響寂  
斷碑難認暮煙昏  
參天剩有孤松在  
萬斛洪濤瀉古原

和劉景師靜中吟

笑我非利錐難向囊中處碌碌以終身  
豈復有快覩靜裏愛逃禪  
蕭齋如淨土未雪神先寒  
盛夏不知暑所幸無是非鮮受外人侮  
啟戶納明月垂簾聽杜宇  
勸酒坐間花催詩頭上雨  
卻老興悠悠忘愁意  
栩栩讀君靜中吟同調信吾與

晚晴移詩匯卷八十九終